

春秋左傳典略

春秋左傳典略八

成公起辛未盡戊子凡十有八年

△仲叔于奚請曲縣繁纓以朝

○宋文公卒始厚葬用蜃炭益車馬重器備

○梁山崩晉侯以傳召伯宗

○郇瑕氏之地沃饒而近鹽

○國饒則民驕佚近寶公室乃貧

○韓厥言於晉侯立趙武而反其田

△△衛人來媵共姬禮也

○○○晉景公求醫於秦秦伯使醫緩爲之

△○穆姜不以妾爲姒

△施孝叔沉卻隼二子于河

○○晉侯使呂相絕秦

○韎韋之跗注

△△三肅使者

○○○范文子使祝宗祈死

○聲伯占夢

程鄭爲乘馬御六駟屬焉

春秋左傳典略八

明浙澣陳許廷著

成公

仲叔于奚請曲縣繁纓以朝

二年夏

王宮縣。諸侯軒縣。大夫判縣。士特縣。四面縣。象宮。室曰宮。縣軒縣。缺南方。其形曲。判縣左右之合。特縣縣于東方。或階間也。鄉飲酒記曰磬階間縮雷。玉路金象樊纓。皆五采屬飾之。玉路十二就。金九

就象七就。革木五就。樊讀如鞞。天子之飾。并以賜諸侯者。既夕禮。士薦馬纓三就。爲送殯設。非常也。孤乘夏篆。卿乘夏纁。大夫乘墨車。士乘棧車。庶人乘役車。夏五色也。篆讀如瑑。轂約。夏纁亦五彩畫。無瑑如纁帛。無文章也。墨車不畫。棧車不革。輓而漆之。役車可載任器。其飾皆無樊纓。古之民得命。然後乘飾車。駢馬庶人。木車單馬而已。新築人且懷挾。嬰瓌以望君公之塵垢。夫寧過其志矣哉。

宋文公卒始厚葬用蜃炭益車馬重器備

二年八月

互物蜃物以共闔壙互物有甲鹵胡大蛤曰蜃將
井椁先塞下以蜃禦溼也謂泥車茅馬有益於常
者喪車五乘木車蒲蔽犬禭尾繫疏飾小服皆疏
始喪乘之素車芬蔽犬禭素飾小服皆素卒哭乘
之藻車藻蔽鹿淺禭革飾旣練乘之駢車藿蔽然
禭髮飾大祥乘之漆車藩蔽犴禭雀飾禫乘之禮
窮則同天子至士皆乘之士喪禮曰主人乘惡車

白狗。臂。蒲蔽。御以蒲。敢。犬服。木。鎗。約。綏。約。轡。木。鑣。
馬。不。齊。髦。主。婦。之。車。亦。如。之。疏。布。袂。貳。車。白。狗。攝。
服。其。他。皆。如。乘。車。以。知。貴。賤。皆。同。故。非。僭。此。也。大。
喪。飾。遣。車。遂。廡。之。行。之。王。大。牢。包。九。个。遣。車。九。乘。
廡。戎。車。廣。闕。萃。輕。皆。有。焉。益。車。馬。此。其。類。也。明。器。
士。喪。禮。亦。有。之。重。者。重。於。侯。度。也。然。醢。醢。百。鬻。宋。
襄。公。葬。其。夫。人。矣。士。喪。禮。曰。陳。明。器。於。乘。車。之。西。
器。西。南。上。精。茵。苞。二。簞。三。黍。稷。麥。鬻。三。醢。醢。屑。冪。

用疏布。甒二醴。酒。冪。用功布。皆木。析。久之。用器。弓。矢。耒。耜。兩。敦。兩。杆。槃。匱。匱。實。杆。槃。中。南。流。無。祭。器。有。燕。樂。器。可。也。役。器。甲。冑。干。竿。燕。器。杖。笠。嬰。茵。著。用。荼。實。綏。澤。焉。葦。包。長。三。尺。一。編。管。箏。三。其。實。皆。淪。弓。矢。之。新。沽。功。有。弭。飾。焉。亦。張。可。也。有。秘。設。依。撻。焉。有。鞬。鞬。矢。一。乘。骨。鏃。短。衛。志。矢。一。乘。軒。輜。中。亦。短。衛。此。器。備。類。斯。禮。固。多。有。辭。矣。未。有。著。之。者。是。其。志。而。煥。乎。

木車不漆。蒲蔽以蒲爲蔽。犬禊以白犬皮覆軾。上又以其尾爲戈戟之殳。麤布飾二物之側爲之緣。小服短兵之衣服。讀爲箠。素車以白土塗。車芬讀爲蘋。蘋麻以爲蔽。其禊服以素繒爲緣。藻讀爲藻。水草蒼色。以蒼土塗車以蒼繒爲蔽。鹿夏皮爲覆。冬又以所治去毛者緣之。駢車邊側有漆飾也。萑細葦席也。漆則成藩。卽吉也。然果。然。豻。胡。犬。髮。赤。多。黑。少。之。色。韋也。萑。黑。多。赤。

少之色韋也。惡車，即木車也。狗幣，覆笭也。白於喪飾，宜蒲菽、牡麻莖，不在於驅馳。館，鍤約繩也。吉時用素。館，鑣用木。取少聲。齊，翦也。袞者，車裳。帷于蓋，弓垂之。貳，副也。攝，猶緣也。乘車，惡車。遣車，將葬遣送之車。入壙者，也。廡，與也。个，牢具也。遣車，九乘。五戎之外，金玉象木也。莘，屏也。陳明器，以西行南端爲上。精，屈也。不容，則屈而反之。茵，在抗木上。陳器，次而北也。苞，二裏。莫，羊豕之

肉。笱。畚。積。類。也。所。以。盛。種。屑。薑。桂。之。屑。也。暴。覆。也。柝。所。以。履。苞。笱。齏。鮓。也。每。器。異。柝。久。當。爲。炙。謂。以。蓋。案。塞。其。口。流。匱。口。也。明。器。鬼。器。也。祭。器。人。器。也。兩。有。則。實。祭。器。不。實。明。器。士。唯。有。明。器。而。實。之。竿。矢。箠。茶。茅。秀。綏。廉。薑。澤。澤。蘭。皆。取。其。香。且。禦。溼。黍。稷。麥。皆。湛。之。湯。未。知。神。之。所。享。不。用。食。道。所。以。爲。敬。弓。矢。設。之。宜。新。沽。麤。也。弭。以。骨。角。爲。飾。秘。弓。檠。依。纏。絃。也。捷。弣。側。矢。道。也。依。

撻皆以皮爲之。鞬弓衣也。骨鏃短衛。示不用志。猶擬也。習射之矢。朝墊也。凡爲矢前重後輕。

音蒲

瞞無
孔狀

梁山崩。晉侯以傳召伯宗。五年夏。

凡建邦能命龜。田能施命。作器能銘。使能造命。升
高能賦。師旅能誓。山川能說。喪紀能誅。祭祀能語。
可以爲大夫矣。重人晉之隱士。宣此德音。伯宗不
能薦之於君。以採朝廷之急。攘其善而晦其人。蔽

春秋左傳典略

卷五

五

賢罪深。故被戮無後。子夏雖匿聖人之論。能播教於西河。令黑水之人。欽其風。蒲坂之間。愛其道。其罪先輕。故直喪明而已。斯言聞諸曾子。

郇瑕氏之地沃饒而近鹽

六年夏

鹽。鹽也。河東鹽池。袤廣百一十六里。鹽雖是鹽。惟此池名鹽。餘鹽否也。周禮作苦鹽。直用不凍。治散鹽。鬻之。

國饒則民驕。佚近寶公室。乃貧。

武王克殷。患殷民富。侈奢昏厚。葬以破其產。爲其富而驕逸。故設法以貧之。若遷都近鹽。則民皆商販。富者彌富。驕奢而難治。貧者益貧。飢寒而犯法。且貧者資富而致貧。富者削貧而爲富。獻子惡民之富。乃是愍民之貧。欲使貧富均而勞逸等也。

韓厥言於晉侯。立趙武而反其田。

八年夏

韓之先獻子厥最賢。然春秋之際。諸侯之賢大夫如獻子者多矣。而子孫莫與太史公以獻子存趙。

韓亦晉
後桓叔
生子萬
受韓以
爲大夫
韋高陵
詳言之
矣

氏之孤爲天下之陰德故宜有後予以謂不然韓
之先與晉同祖皆武王之後也史伯謂鄭桓公武
實昭文之功文之祚盡武其嗣乎武王之子應韓
不在其在晉乎晉自文公伯諸侯至乎八世猶未
足以究武之烈而繼之以韓此天意也獻子何足
以當之然周衰姬姓復興者三國燕與韓魏皆據
地千里后稷播種百穀以濟饑饉其報固當然哉
衛人來媵共姬禮也

八年冬

膏育以爲媵不必同姓。所以傳異氣也。按禮納女於天子云。備百姓於國。君云。備酒漿爾。不得傳異氣也。諸侯一娶九女。適夫人及左右媵。各有姪娣。皆同姓之國。國三人。參骨肉至親。所以息陰訟。

晉景公求醫於秦。秦伯使醫緩爲之。

十年六月

凡藥以酸養骨。以辛養筋。以鹹養脉。以苦養氣。以甘養肉。以滑養竅。以五氣五聲五色。眡其死生。兩之以九竅之變。參之以九藏之動。民之有疾病者。

分而治之。扁鵲治趙太子暴疾尸蹙之病。使陽子同藥。子明炙。陽子儀反。神子越扶。形子游按摩。秦醫知藥之不至。不知榻木為腦。芷草為軀。吹竅定腦死者。可復生也。其活功者與。

穆姜

為奴

十一年三月

娣。奴。婦者。弟長也。長婦謂稚。婦為娣。稚婦謂長。婦為奴。止言婦之長稚。不言夫之伯仲。故穆姜謂聲伯之母為奴。叔向之娣。謂巫臣氏為長叔奴。相與。

居室中則生小功之親焉。

施孝叔沉卻隼二子於河

十一年三月

子夏曰夫死妻穉子幼子無大功之親與之適人而所適者亦無大功之親所適者以葦賀財爲之築宮廟歲時使之祀焉妻不敢與焉若是則繼父之道也同居則服齊衰期異居則服齊衰三月必嘗同居然後爲異居未嘗同居則不爲異居夫孝叔不能庇其伉儷而亡之又不能字人之孤而殺

之無義大矣。然則如之何於管氏請絕可也。苦成
叔之後赦也已。

晉侯使呂相絕秦

十三年四月

晉自惠公以來當大喪大亂之剗。秦之反詐於絳
者三矣。自繆違蹇叔以貪勤民襲鄭滅滑而亡師
於殽。秦雖阻兵晉實倍德。繆公自是不復東征也。
至西乞歷聘。又使詹嘉塞桃林之塞以絕其輜軒。
秦之不獲與晉楚爭諸夏也。且終春秋之世東諸

於其振之斯以有獻孝之憤發而業帝基爾

韋之跗注 十六年六月

韋聲也急疾呼茅蒐成韋跗注戎服自要以下而注于脚跗相連也

三肅使者

九拜之禮一曰稽首二曰頓首三曰空首首不至地也四曰振動以首搶地也五曰吉擗謂期以下拜而後稽顙也六曰凶擗稽顙而後拜也七曰竒

死之修
短而在
宗祝人
誰不擇
良宗祝
而乞逢
殺焉

捧一拜也。八曰褒。捧再拜也。九曰肅。拜俯其首而肅之也。今時禮也。

范文子使其祝宗祈死

十七年五月

春秋惟叔孫昭子與范文子兩人祈死。何得身死。適與相當。膏肓以人生有三命。有壽命。以保度。有隨命。以督行。有遭命。以摘暴。且命者冥也。生育之性得之於冥。兆未聞死。可祈也。昔周公之隆。天不出妖。地不出孽。陰陽調和。災害不生。武王有疾。周公

植璧秉圭。願以身代。武王疾愈。周公不夭。由是言
之死不可請。偶自天祿欲盡。祈非果死。今左氏著
其事於義爲短。故杜斟酌傳文以爲自殺。

聲伯占夢

十七年十一月

嬰齊舍玉之兆三稔矣。猶欲贈惡於人。未知舍萌
之典。周禮在魯。盍亦聘焉。周人作咸夢。夏后氏作
致夢。殷人作綺夢。王者占日夜有夢。則晝視輝禳。
以瓦占之。掌夢觀建厭休。王以占六夢。日窮于次。

月窮於紀。星迴於天。則發幣以聘。夢舍萌於四方。以贈惡夢焉。夢故不爲妖矣。

觴讀如倚聘問也。舍萌釋采也。贈送也。

程鄭爲乘馬御六駟屬焉。

十八年

六駟六閑之駟。天子十有二閑。邦國六閑。玉路駕種馬。戎路駕戎馬。金路駕齊馬。象路駕道馬。田路駕田馬。駑馬給官中之役。天子馬六種種各二閑。邦國齊道田各用一閑。駑馬三之二。耦爲乘。乘馬。

一師四圉三乘爲皂皂一趣馬三皂爲繫繫一御
夫六繫爲旣旣一僕夫六旣成校校有左右每旣
爲一閑馬二百一十六疋易乾爲馬此應乾之策
也天子馬曰龍

春秋左傳典略九

襄公起巳丑盡巳未凡三十一年

○金奏肆夏之三

○○工歌文王之三歌鹿鳴之三

△季文子卒大夫入斂公在位

○○穆姜往東宮筮之遇艮之八史謂艮之隨

○○晉侯曰國君十五而生子君可以冠矣

△桑林

△司慎司盟

○歌鍾二肆及其鎛磬

○商旅於市

△瘕狗入於華臣氏

○晏嬰居桓子之喪

○南風不競多死聲

△齊慶封圍高唐

△△季武子以公姊妹妻邾庶其

○○孔子生

○程鄭問降階

○○子產獻捷於晉趙文子曰其辭順犯順不祥

○為掩書土田

△國子賦饗之柔矣

、、汜祭

○○小雅周德之衰

○○公享士鞅射者三耦

○○齊放高止於北燕

△譔譔出出

○○立敬歸之弟齊歸之于公子稠

△旬設庭燎

春秋左傳典略九

明浙濟陳許廷著

襄公

金奏肆夏之三

四年夏

以樂納賓。則賓及庭。奏肆夏。賓拜酒。主人答拜。而樂闋。公拜受爵。而奏肆夏。公卒爵。主人升受爵。以下而樂闋。肆夏一名繁韶。夏一名遏納。夏一名渠。此肆夏之三也。王出入奏王夏。尸出入奏肆夏。牲

出入奏昭夏。四方賓來奏納夏。臣有功奏章夏。夫
人祭奏齊夏。族人侍奏族夏。賓醉而出奏陔夏。公
出入奏鶩夏。九夏皆以鐘鼓奏之。此歌之大者。載
在樂章。樂崩亦從而亡。是以頌不能具也。嗚呼。吾
觀之魯頌。其古也亦已久矣。九夏亡者。吾能頌乎。
夫大樂既去。至音不嗣。頌於古。不足以補亡。頌於
今。不足以入用。庸何頌乎。頌之亡者。俾千古之下。
鄭衛之內。窈窕冥冥。不獨有大卷之音者乎。

燿燿皎日。歘麗於天。厥明御舒。如王出焉。燿燿皎日。歘入於地。厥晦惟貞。如王入焉。出有龍旂。入有珩珮。勿驅勿馳。惟慎惟戒。出有嘉謀。入有內則。絜彼臣庶。欽王之式。

王夏四章章四句

愔愔清廟。儀儀衮服。我尸出矣。迎神之穀。杳杳陰竹。坎坎路鼓。我尸入矣。得神之祐。

肆夏二章章四句

有鬱其鬯。有儼其彝。九變未作。全乘來之。既醑既酢。爰棘爰舞。象物既降。全乘之去。

昭夏二章章四句
棘音胤小鼓

麟之儀儀不繫不維樂德而至如賓之娛鳳之愉
 愉不箠不效樂德而至如賓之娛自筐及筥我有
 牢醕自筐及筥我有貨幣我牢不愆我貨不匱碩
 碩其才有樂而止

納夏四章章四句

王有虎臣錫之鈇鉞征彼不慄一撲而滅王有虎
 臣錫之珪瓚征彼不享一烘而泮王有掌封遺貞育
 爾疆理王有掌客饋爾饗餼何以樂之金石九奏
 何以錫之龍旂九旒

章夏四章章四句

靈璣衡筭。輦輦禴翟。自內而祭。君爲之則。
齊夏一章章四句

洪源誰孕。疏爲江河。大塊訖埏。播爲山阿。厥流浩

漾。厥勢嗟峨。今君之酌。慰我實多。
族夏二章章四句

醴酒既酌。嘉賓既厚。牘爲之奏。醴酒既竭。嘉賓既

悅。應爲之節。醴酒既罄。嘉賓既醒。雅爲之行。
被夏三章

章三句

桓桓其圭。袞袞其衣。出作二伯。天子是毗。桓桓其

圭衮衮其服。入作三孤。國人是福。驚夏二章章四句

工歌文王之三歌鹿鳴之三

席上於西階上。少東樂正先升。北面立於其西。小

臣納工。工四人。二瑟。小臣左何瑟。面鼓。執越。內弦。

右手相入。升自西階。北面東上坐。小臣坐授瑟。乃

降。工歌鹿鳴。四牡。皇皇者華。卒歌。主人洗。升獻工。

工不興。左瑟一人拜受爵。主人西階上拜送爵。薦

脯醢。使人相祭。卒爵不拜。主人受爵。衆工不拜受

爵。坐。祭。遂。卒。爵。辯。有。脯。醢。不。祭。主。人。受。爵。降。奠。於。篚。公。又。舉。奠。解。唯。公。所。賜。以。旅。於。西。階。上。如。初。卒。笙。入。立。於。縣。中。奏。南。陔。白。華。華。黍。主。人。洗。升。獻。笙。於。西。階。上。一。人。拜。盞。階。不。升。堂。受。爵。降。主。人。拜。送。爵。階。前。坐。祭。立。卒。爵。不。拜。既。爵。升。授。主。人。衆。笙。不。拜。受。爵。降。坐。祭。立。卒。爵。辯。有。脯。醢。不。祭。乃。間。歌。魚。麗。笙。由。庚。歌。南。有。嘉。魚。笙。崇。丘。歌。南。山。有。臺。笙。由。儀。遂。歌。鄉。樂。周。南。關。雎。葛。覃。卷。耳。召。南。鵲。巢。采。芣。

采蘋大師告樂正曰正歌備樂正由楹內東楹之東告於公乃降復位若舞則勺有房中之樂

越瑟下孔也內弦側擔之者

季文子卒大夫入斂公在位

五年十一月

士喪禮君若有賜焉則視斂既布衣君至主人出迎於外門外見馬首不哭還入門右北面及衆主人袒巫止於廟門外祝代之小臣二人執戈先二人後君釋采入門主人辟君升自阼階西鄉祝負

墻南面。主人中庭君哭。主人哭拜稽顙成踊。出君命反行事。主人復位。君升。主人主人西楹東北面。升。公卿大夫繼主人東上。乃斂。卒。公卿大夫逆降。復位。主人降。出。君反。主人主人中庭君坐撫當心。主人拜稽顙成踊。出。君反之。復初位。衆主人辟於東壁南面。君降。西鄉。命主人馮尸。主人升自西階。由足西面馮尸。不當君所踊。主婦東面馮。亦如之。奉尸斂於棺。乃蓋。主人降。出。君反之。入門左視塗。

君升卽位。衆主人復位。卒塗主人出。君命之反奠。入門右。乃奠。升自西階。君要節而踊。主人從踊。卒奠。主人出哭者止。君出門廟中哭。主人不哭。辟君式之。貳車畢。乘主人哭拜送。

賜恩惠也。布衣鋪絞紵衾衣。不哭厭於君。不敢申其私也。凡宮有鬼神曰廟。王吊則巫祝前。巫主招弭以除疾病。諸侯臨臣之喪。使祝代巫執芻居前。下天子也。釋采祝爲君禮。門神明。君無

故不來也。祝南面。房中東。鄉君牆謂之墉。主人中庭進。益北欲視斂也。出不敢。必君之卒斂事。逆降後升者先降。撫手按之。比馮尸興必踊。君撫之亦踊也。南面則當坵之東。以君將降也。馮尸不當君所。不敢與尊者所馮。同處。肆在西墀。上入門右。由便趨疾。不敢久留。君節謂執奠始升墀。及旣奠。猶重南東時也。哭者止。以君將出。不敢聒尊者也。辟。逡巡辟位也。式。小俛以禮。主

人也。

穆姜往東宮筮之遇艮之八史謂艮之隨

九年五月

周以黃鐘爲天統故周易以純乾爲首殷以林鐘爲地統故歸藏易以純坤爲首夏以太簇爲人統故連山易以純艮爲首周者天之道周布於四時也連山似山之出內雲氣也歸藏者萬物莫不歸而藏於其中也周人三龜竝占三易竝筮洪範三人占則從二人之言金縢乃卜三龜一習吉是也。

連山八萬言。歸藏四千三百言。殷易簡於夏也。揲者求爻所得有七八九六三多爲交。錢六爲老陰也。三少爲重。錢九爲老陽也。其爻變兩多一少爲單。錢七爲少陽也。兩少一多爲拆。錢八爲少陰也。其爻不變。夏殷易以七八不變爲占。周易以九六變者爲占。艮二之八。未考二易於意云。何艮之隨。內動之爲德。外悅之以言。故曰隨其出也。

晉侯曰。國君十五而生子。君可以冠矣。

九年十二月

金滕曰王與大夫盡弁時成王年十五與大夫盡
弁則已冠矣大戴禮曰文王十三生伯邑考國君
冠而生子是文王亦十二而冠也士二十乃冠始
冠緇布之冠也大古冠布齊則緇之其綏也孔子
曰吾未之聞也冠而敝之可也三王共皮弁素積
無大夫冠禮而有其昏禮古者五十而後爵何大
夫冠禮之有公侯之有冠禮也夏之末造也天子
之元子猶士也天下無生而貴者也繼世以立諸

侯象賢也。以官爵人德之殺也。死而謚。今也。古者
生無爵。死無謚。鄭玄曰。自夏初。以上諸侯。雖父歿。
子繼年未滿五十者。亦服士服。行士禮。五十乃命
也。至其衰末。上下相亂。故作公侯冠禮。以正君臣
。公冠自爲主。迎賓揖升。自阼立於席。旣醴。降自阼。
其餘自爲主者。其降也。自西階。以異其餘。皆公同
也。公玄端。以皮弁。皆鞞。朝服素鞞。公冠加四玄冕。
饗之以三獻之禮。無介。無樂。金石之樂。冠時爲節。

君。有。之。作。其。時。也。皆。玄。端。其。醕。朱。錦。采。四。馬。其。慶。也。天。子。儼。焉。其。禮。與。士。同。饗。賓。也。皆。同。成。王。冠。周。公。使。祝。雍。祝。王。曰。達。而。勿。多。也。祝。雍。曰。使。王。近。於。民。遠。於。年。嗇。於。時。惠。於。財。漢。惠。二。十。有。一。而。冠。厭。于。呂。媯。耳。

桑林

十年五月

殷樂韶濩。此云桑林。蓋殷有二樂。湯能紹禹。以寬政治。民除其邪虐。覆護下民。故曰濩。桑林者。禱桑林。以得雨。遂以名樂。

司慎司盟

十年七月

二司天神諸侯覲於天子爲官方三百步四門壇
十有二尋深四尺加方明於其上方明者木也方
四尺設六色東方青南方赤西方白北方黑上玄
下黃設六玉上珪下璧南方璋西方琥北方璜東
方琮上介皆奉其君之旂置於宮尚左五等皆就
其旂而立四傅擯天子乃祀方明雖不言盟其所
陳設盟之禮也深高也方明者上下四方神明之

春○利○左○傳○與○略○
象○也○會○同○而○盟○明○神○監○之○曰○天○之○司○盟○天○子○巡○狩○
之○神○其○盟○主○日○諸○侯○之○盟○其○神○主○山○川○王○官○之○伯○
會○諸○侯○而○盟○其○神○主○月○司○盟○非○一○神○也○司○慎○未○知○
何○神○

歌鐘二肆及其鎛磬

十年十月

歌○鐘○者○歌○必○先○金○奏○也○故○鐘○以○歌○名○凡○懸○鐘○磬○半○
為○堵○全○為○肆○編○縣○十○六○枚○在○一○簾○謂○之○堵○鐘○一○堵○
磬○一○堵○曰○肆○及○其○鎛○磬○則○鎛○磬○亦○二○肆○也○鄭○音○之○

流○辟○滌○濫○其○淫○有○過○於○衛○無○不○及○焉○自○女○戎○賄○晉○
而○三○駕○之○志○怠○魏○絳○是○以○有○居○安○思○危○之○規○然○不○
五○年○悼○公○短○折○所○謂○好○樂○無○荒○豈○唐○之○風○與○

商○旅○於○市

十○四○年○夏

凡○建○國○王○立○朝○而○后○立○市○祭○之○以○陰○禮○旅○陳○也○質○
則○用○物○貴○淫○則○侈○物○貴○商○陳○時○之○貴○尚○以○求○利○審○
其○贏○闕○足○以○觀○息○耗○而○易○風○聲○故○賢○君○之○治○也○彫○
文○不○粥○於○肆○

應劭云市恃也。養贍老少恃以不匱也。白虎通因井爲市。謂至市者當於井上洗濯其物香潔。及自嚴飾乃到市也。

瘖狗入於華臣氏

十七年十一月

思之不睿則有牛禍。貌之不恭則有雞禍。視之不
明則有羊禍。聽之不聰則有豕禍。言之不從則有
犬禍。華臣削株儼本。斯金爲虜矣。

晏嬰居桓子之喪

十七年十一月

斬衰裳。苴經杖。絞帶。冠繩纓。菅屨者。子夏曰。斬者。何不緝也。苴經者。麻之有蕢者也。苴經大搨。左本在下去五分一。以爲帶。齊衰之經。斬衰之帶也。去五分一。以爲帶。大功之經。齊衰之帶也。去五分一。以爲帶。小功之經。大功之帶也。去五分一。以爲帶。苴杖。竹總麻之經。小功之帶也。去五分一。以爲帶。苴杖。竹也。削杖。桐也。杖各齊其心。皆有本。杖者何。爵也。無爵而杖者何。擔主也。非主而杖者何。輔病也。童子

何以不杖不能病也。婦人何以不杖亦不能病也。
絞帶者繩帶也。冠繩纓條屬右縫冠六升外畢鍛。
而勿灰衰三升管屨者管非也。外納居倚廬寢苦。
枕塊哭晝夜無時。歎粥朝一溢米夕一溢米寢不。
脫經帶既虞翦屏柱楣寢有席疏食水飲朝一哭。
夕一哭而已。既練舍外寢始食菜果飯素食哭無。
時。疏衰裳齊牡麻經冠布纓削杖布帶疏屨三年。
者子夏曰齊者何緝也。麻者臬麻也。牡麻經右本。

在上冠者沽功也。疏屨者，蕪蒯之非也。疏衰裳齊，
牡皮經冠，布纓削杖，布帶疏屨，菴者問者曰：何冠
也？子夏曰：齊衰大功冠，其受也。總麻小功冠，其衰
也。帶緣各視其冠。總麻三月者，子夏曰：總者十五
升，抽其半有事，其纓無事，其布曰：總。凡衰外削幅，
裳內削幅，幅三衽若齊，裳內衰外負，廣出於適寸，
適博四寸，出於衰，衰長六寸，博四寸，衣帶下尺，衽
二尺，有五寸，袂屬幅，衣二尺，有二寸，祛尺，二寸，衰

三升三升有半其冠六升以其冠爲受受冠七升
齊衰四升其冠七升以其冠爲受受冠八升總衰
四升有半其冠八升大功八升若九升小功十升
若十一升

孔子曰晏平仲可謂能辟害也不以已是而駁人
之非孫辭以辟咎義也夫

不言裁而言斬者痛甚也麻在首在要皆曰經
要經象大帶絞帶象革帶絞麻爲繩作帶也苴

經杖絞帶者一以苴目此三事也冠繩纓以六
升布爲冠又屈一條繩爲武垂下爲纓盈手曰
擗擗扼也中人之扼圍九寸此先據首經而言
本謂麻根下猶內父左本在下重服統於內而
本陽也母右本在上輕服統於外而本陰也擔
猶假也無爵者假之以杖尊其爲主也屬著者
著之冠垂之爲纓小功以下左縫前後兩畢之
末向外攝之也鍛而勿灰加以水濯勿用灰而

已米二十兩曰溢。天子九虞。諸侯七虞。大夫五虞。士三虞。之後乃改舊廬。西鄉開戶。翦去戶旁兩廂。屏之餘草。前梁謂之楣。楣下兩頭豎柱。施梁夾戶旁之屏。所謂梁闇。闇廬也。廬有梁。卽柱楣也。受者服是服而除。以輕服受之。初死冠升。與旣葬衰升。數同。故曰冠其衰也。冠升與衰升。數同。故曰冠其衰也。總者治其縷。細如絲。錫者不治其縷。衰在內也。總者不治其布。衰在外也。

大古冠布衣布先知爲上外殺其幅以便體也
後知爲下內殺其幅稍有飾也後世聖人易之
以爲喪服幅三衻者凡裳前三幅後四幅幅皆
三辟積之也齊緝也緝裳者內展之緝衰者外
展之負在背上者也適辟領也前有衰後有負
版左右有辟領孝子哀戚無所不在衣帶下尺
者要也衽所以掩裳際也屬連也連幅謂不削
南風不競多死聲

十八年十二月

北風夾鐘無射以北南風姑洗南呂以南歲月俱
在。甄。訾。之。口。南。風。律。氣。不。至。故。多。死。聲。

齊慶封圍高唐

十九年十一月

或以齊侯呼衛下而與之言何不卽執之反揖令
登城甘被羽負耗於矢石間耶三國時曹操與馬
超對語徐晃與關羽對語皆仇敵交言而不能相
取亦何怪當日

季武子以公姑姊妻邾庶其

二十一年春

父之姊爲姑姊。父之妹爲姑妹。蓋宣公之女也。以
衡父之年計之。姑姊齒已七十矣。

孔子生

二傳皆書十一月庚子。孔子生於是歲在實沉辰
在大火勞塵席冷。由水火之相征。載筆書麟亦明
堂之布政。誕於日昃。故匹夫以休世。知續經而書
孔子卒。不知纂經而書孔子生。甯以傳者私識
或文無礙耳。

程鄭問降階

二十四年冬

趙文子賢人也。將死，其語儉。程鄭，小人也。將死，其言善。孫周知程鄭端而不淫，且好諫而不隱也。何以目之？小人。趙孟晉之大臣，榮其寵，祿不能圖恤。社稷君至於淫，以生疾禍，訛大焉。何以目之？賢人。

鄭子產獻捷於晉。趙文子曰：「其辭順，犯順不祥。」
五年秋

聘義記曰：辭無常。孫而說，辭多則史，少則不達。辭。

苟足以達義之至也。辭曰：非禮也。敢對曰：非禮也。敢旅之三爲聘客。初與二其介也。當以篤行君子爲之。而用小人不能辭曰：非禮不能對曰：非禮。每者不能以禮行之。瑣瑣斯其所取災也。

薦掩書土田度山林鳩藪澤辨京陵表淳鹵數疆

潦規偃豬町原防牧隰臯井衍沃

二十五年十一月

地之物生有五。一曰山林其動物宜毛物其植物宜皂物其民毛。而方二曰川澤其動物宜鱗物其

植物宜膏物其民黑而津三日丘陵其動物宜羽
物其植物宜覈物其民專而長四曰墳衍其動物
宜介物其植物宜莢物其民皙而瘠五曰原隰其
動物宜羸物其植物宜叢物其民豐肉而痺援神
契云五獄藏神四瀆含靈五土出利以給天下黃
白宜種禾黑墳宜種麥蒼赤宜種菽洿泉宜種稻
凡糞種挈剛用牛赤緹用羊蠶壤用麋渴澤用鹿
鹹濕用貍勃壤用狐埴埴用豕疆柴用蕒輕爨用

犬○此○土○化○之○法○也○

毛○物○貂○狐○貉○縞○毛○者○皂○物○柞○巢○也○小○首○而○長○
搏○身○而○鴻○謂○之○鱗○屬○膏○當○爲○藜○蓮○茨○也○津○潤○也○
銳○喙○決○吻○數○目○顧○脰○小○體○騫○腹○謂○之○羽○屬○專○圓○
也○莢○物○薺○莢○也○厚○脣○弇○口○出○目○短○耳○大○胃○耀○後○
大○體○短○脰○謂○之○羸○屬○虎○豹○貔○貅○也○叢○物○藿○葦○也○
痺○猶○短○也○挈○讀○爲○駢○盆○壤○多○盆○鼠○也○渴○澤○故○水○
處○也○勃○壤○粉○解○者○埴○壤○黏○疏○者○彊○藥○彊○堅○者○輕○

吾五經
博士見
注逸則
尚及外
傳

輿、輕、脆者、搏、圍也。鴻、傭也。燿、讀為、哨、頎、小也。藥、音、檻、輿音、斂、

國子賦、轡之柔矣

二十六年七月

轡之柔矣、逸詩也。詩曰、馬之剛矣、轡之柔矣、馬亦不剛、轡亦不柔、志氣庶庶、取予不疑、孔晁曰、不疑和之心也。

汜祭

二十八年十一月

汜祭、猶亡于禮者之禮也。祭食之禮、今已矣。請存

九祭之辨。曰命祭。曲禮曰。君若賜之食。而君客之。則命之祭。然後祭。是也。曰衍祭。衍。延也。曲禮曰。凡進食之禮。左殺右馘。食居人之左。羹居人之右。膾炙處外。醯醬處內。蔥涿處末。酒醬處右。以肺脩置者。左胸右末。客若降等。執食興辭。主人興辭于客。然後客坐。主人延客祭。是也。曰炮祭。炮。包也。猶兼也。少牢饋食禮曰。上佐食取黍稷於四敵。下佐食取牢一切肺于俎。以授上佐食。上佐食兼與黍以

授尸尸受同祭于豆祭有司徹曰宰夫贊者取白黑以授尸尸受兼祭於豆祭是也曰周祭猶徧也公食大夫惟魚腊酒醬不祭餘皆祭曲禮曰殺之序徧祭之是也曰振祭曰擣祭不食者擣則祭之特牲饋食禮曰尸左執觶右取菹換于醢祭于豆間是也將食者擣肝鹽中振之擬之若祭狀勿祭謂之振祭曰絕祭曰繚祭鄉飲酒禮多者繚之以手從肺本循之至于末乃絕以祭也鄉射州長射

從成十
字子餘
亦是此
義

禮略者、絕則祭之、不循其本、直絕肺以祭也。曰共祭、共猶授也。祭食、膳夫授祭也。

小雅周德之衰

二十九年六月

文中子曰：小雅烏乎衰？其周之盛乎？札之所謂衰者，蓋當時親見其衰而不覩乎文武成康之盛也。先文邃亦本其說，按衰者差也。九章算術謂差分爲衰分。小雅周德之衰，猶大雅爲文德之廣也。子夏曰：鹿鳴廢，則和樂缺矣。四牡廢，則君臣缺矣。

皇華廢則忠信缺矣。棠棣廢則兄弟缺矣。伐木廢則朋友缺矣。天保廢則福祿缺矣。采薇廢則征伐缺矣。出車廢則功力缺矣。杖杜廢則師衆缺矣。魚麗廢則法度缺矣。南陔廢則孝友缺矣。白華廢則廉恥缺矣。華黍廢則蓄積缺矣。由庚廢則陰陽失其道理矣。南有嘉魚廢則賢者不安。下不得其所矣。由丘廢則萬物不遂矣。南山有臺廢則爲國之基墜矣。由儀廢則萬物失其道理矣。蓼蕭廢則恩

澤乖矣。湛露廢則萬國離矣。彤弓廢則諸夏衰矣。菁莪廢則無禮儀矣。小雅盡廢則四夷交侵中國微矣。

公享士鞅射者三耦

二十九年夏

鄉射記曰君國中射則皮樹中以詡旌獲。白羽與朱羽糝於郊則間中以旌獲於竟則虎中龍旌舉。旌以宮偃旌以商。大夫兕中各以其物獲無物則以白羽與朱羽糝。杠長三仞以鴻脰韜上二尋君

樂作而後就物袒朱襦以射小臣以巾執矢以授君在大夫射則肉袒國中射燕射也郊射大射也諸侯立大學在郊竟射賓射也皮樹間皆獸名周書曰北唐以閭一角岐蹄杠撞也鴻鳥之長脰者也諸侯之射以四耦魯何以三耦三耦已無所取之也

齊放高止于北燕

二十九年九月

夫立功立事者國之厚益而身之表鵠也表高的

明雖婦人。猶欲關弓。而況當塗之士。是以君子慎
之道家。貴善行者。無徹迹功。遂而身退。高止。旣犯
其始。又專以終之。免死爲幸。斯乃聖賢之篤戒。故
變放言。奔致其罪。以示過。胥甲之放命。陳招之首
惡。矯厲以篤教也。

諛諛出出 三十年五月

城郭之所。人民之聚。有天鳥。則射之。若夜中嗚呼。
不見其鳥獸。則以救日之弓。救月之恒矢。射之。若

神也。則以大陰之弓與在矢射之降于莘。鳴于亳。噉於宋太廟。皆其物也。

立敬歸之。娣齊歸之。子公子稠。

三十一年秋九月

質家親親。文家尊尊。嫡夫人右媵左媵無子。質家先立娣。文家先立姪。嫡子有孫而死。質家先立弟。文家先立孫。其孿生也。質家据見立。先生文家据本意立。後生伯禽之封。啓以商政。行其舊俗。魯人立齊歸之子。亦殷人之道之從也。

傳設庭燎

三十一年十月

宵則庶子執燭于阼階上。司宮執燭於西階上。甸人執大燭於庭。閭人爲燭於門外。庭燎之差。公五十侯。伯子男三十。庭燎之擬。天子由齊桓始也。